

Кондак 1

Избранней от всех родов Владычице Госпоже, Деве Богородице, принесем похвальные дары, якоже и ныне, аки и прежде, падших возставляеши, немощных укрепляеши, болящих исцеляеши, от враг видимых и невидимых избавляеши, сомнящихся вразумляеши, унывающих ободряеши, веровати в благодатную силу святых икон Твоих научаеши и в благодарности умиленным сердцем и усты пети Тебе сподобляеши:

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая. *

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Икос 1

Ангели на небеси воспевают величие и всесовершенства Твоя, о Мати и Дево, яко Всемилостиваго Бога и Спаса родила нам еси, мы же на земли, подражающе им, грешными устнами дерзаем славословяще зывати Тебе таковая:

Радуйся, небесных непрестанное удивление;

Радуйся, земных всерадостное поклонение.

Радуйся, злобы и тьмы духовныя изгнание;

Радуйся, притекающих к Тебе мира и любви исполнение.

Радуйся, яко о помиловании нас, грешных, Сына Твоего умоляеши;

Радуйся, яко от иконы Твоя милости нам источаеши.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 2

Видящи очима духовными грядущия времена страшного богоборчества, святой праведный Иоанн Кронштадтский, благослови написание иконы святыя Твоя, Богомати, да будет в помощь и заступление всем в скорби сущим, припадающим в надежде на спасение, зовущим Сыну Твоему и Богу нашему: Аллилуиа.

Икос 2

Разуму человеческому икона сия в просвещение, якоже не силой своею прогоняем врагов, но могуществом Божиим и предстательством Богоматери, источающей от икон Своих чудеса, да воспоем Всемощную Заступницу нашу:

Радуйся, падающих и изнемогающих скорое подкрепление;

Радуйся, от бесов и злых человек надежное заступление.

Радуйся, в час искушений и недоумений вразумление;
Радуйся, заблудшим правого пути находение.
Радуйся, ересей и расколов искоренение;
Радуйся, тьмы богоборчества скорое исчезновение.
Радуйся, Небесная Царице, Твоими словесы «Аз есмь с вами
и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз
есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди
Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием
избави люди Божии от работы врагия.

Кондак 3

Сила гонения нечестивых возста на христианы и святыням их
поругашася; приявший же святую икону Твою, Богомати,
преподобный Серафим Вырицкий молящеся пред Нею. Да прибегши
под кров Царицы Небесной, монашествующии и вси вернии помощь
Божиею укрепляемии, со трепетом и любовью воспоят Спасителю
Богу: Аллилуиа.

Икос 3

Имущи велия чудеса, имже несть числа, являла Пресвятая
Дева чрез святую икону Свою помощь всем с верою и любовью
притекающим и зовущим к Ней таковая:

Радуйся, Царице Небесная;

Радуйся, Мати Господа Вышняго.

Радуйся, обилие чудес источающая;

Радуйся, нечестие богоборчества обличающая.

Радуйся, молящихся с верою скорое слышание;

Радуйся, мятущихся душ наших отишие.

Радуйся, Небесная Царице, Твоими словесы «Аз есмь с вами
и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз
есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди
Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием
избави люди Божии от работы врагия.

Кондак 4

Буря богоборческого нечестия пронеслась, осквернивши
святыни, и попусти Господь на люди наша вражие нашествие, да
скорбями очистятся и слезами омыются и да, вразумившись,
покаются и, возопиют Спасающему Богу: Аллилуиа.

Икос 4

Слышаша скорби людския, преподобный Серафим, иже в келье
своей подвиг Саровского старца подъявши, денно и ночью усердно
пред иконою Богородицы вопия таковая:

Радуйся, грешников к покаянию предуготовляеши;

Радуйся, кающихся грешников не отвергающая.

Радуйся, Сына Твоего и Бога нашего умилоствляеши;

Радуйся, скорбь нашу в радость претворяющая.

Радуйся, от враг видимых и невидимых избавляющая;

Радуйся, от наглыя смерти спасающая.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы врагия.

Кондак 5

Боготечную благодать видя, истекающую от святыя иконы Богоматери, людие стекахуся в селение Вырицу и приимаху души и телес исцеление, в радости вопиюще Богу Сыну Пресвятыя Пречистыя и Препоблагословенныя Девы Марии: Аллилуиа.

Икос 5

Видеша приявшую от Сына Твоего и Бога нашего великую благодатную силу исцеления и вспоможения, Благая Мати, милостиво ниспосылаеши всем, приходящим к Тебе и взывающим Ти таковая:

Радуйся, умершего отрочати воскрешение;

Радуйся, неисцельных болезней врачевание.

Радуйся, телес наших здравие;

Радуйся, душ наших спасение.

Радуйся, от уз греховных свободение;

Радуйся, к Горнему миру восхождение.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы врагия.

Кондак 6

Проповедуя скорое отшествие свое от юдоли сея многоскорбных и многомятежных, старец скры местонахождение святыя иконы Богородицы, идеже в любви к Всемиловитому Богу, в Троице славимому, возопиют: Аллилуиа.

Икос 6

Возсиявая радость в скорби сущей игумений, разрушенную древнюю обитель Святаго Георгия приявшей и силами своими возобновити не могущую, дарова ей великую милость: явила еси Госпоже Владычице, пречудно святую икону Твою, да с трепетом и любовью воспоют Ей таковая:

Радуйся, никогдаже нас помощи матерния лишающая;

Радуйся, любящих Тя божественною любовью покрывающая.

Радуйся, нестроения житейского моря скоро разрешающая;

Радуйся, Аз есмь с вами – приходящим к Тебе возвещающая.

Радуйся, и никтоже на вы – ободряющая;

Радуйся, сущих в печали и скорби не оставляющая.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 7

Хотящи спасения, узрели люди икону, аки Саму Царицу Небесную, пришедшую со святыми апостолами Иоанном и Иаковом в обитель Святого Георгия на праздник Похвалы Пресвятыя Богородицы, и возопиша во умилении ко Господу: Аллилуиа.

Икос 7

Новую явила еси милость, Богородице Дево, чудотворною иконою Твоею, чудеса чрез нея источая, помогая всем с верою к ней притекающим и зовущим Ти обрадованно таковая:

Радуйся, Сына Твоего и Бога о нас умоляющая;

Радуйся, кающихся грешников зело любящая.

Радуйся, врагов Божиих грозно наказующая;

Радуйся, сынов противления вразумляющая.

Радуйся, полчищ бесовских от Руси святыя изметающая;

Радуйся, боголюбивых чад Своих защищающая.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 8

Странно чудо попечения Свято-Георгиевския обители видевши, живущия в ней и труждающиеся и на молитву в ню приходящая прияла еси, в подвизех монашеских укрепляя, от бед и скорбей избавляя и научая всех спасающему Тобю Христу Богу пети: Аллилуиа.

Икос 8

Всем вразумление явила еси грозным наказанием послушницы, тайно бежати из обители хотящей, и покаявшейся милость явила еси, да навькнут в час скорбных обстояний прибегати к иконе Твоей святей, умильно взывая Тебе таковая:

Радуйся, совершение безрассудных поступков пресекающая;

Радуйся, хотящим жати спасение помогающая.

Радуйся, в подвизех, монашеских укрепляющая;

Радуйся, падающих скорое возведение.

Радуйся, Ходатаице нашего спасения;

Радуйся, защита наша и в добродетелех вспоможение.

Радуйся, Небесная Царице, Твоими словесы «Аз есмь с вами

и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 9

Всякое естество восхваляет Тя, Господи, о Тебе, Создателя, Искупителя, Царя и грядущего Судию живым и мертвым благодаряще, яко даровал еси Матерь Твою в надежное прибежище и заступление всем вопиющим Тебе, Истинному Богу: Аллилуиа.

Икос 9

Ветии велеречивыя можаху лишь удивитися, егда слышат глас Божий и Богородицы: «Аз есмь с вами и никтоже на вы». Мы же, надеющиеся на волю святую и совершенную Божию, да почтим Тя, Пречистая, звании ми:

Радуйся, Благаго Царя благая Мати;

Радуйся, яко тщишися овец Христовых собрати.

Радуйся, сирых и странных Защитнице;

Радуйся, всех обидимых Покровительнице.

Радуйся, медоточная молящихся сладосте;

Радуйся, даров и благ вечных Подательнице.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 10

Спасти хотя мир, неизреченное чудо обретения святых иконы Твоя, Владычице, возвестила всем градом и весем, в торжестве и славе видящи в обитель грядущую Тя, в радости возопиша Триединому Богу: Аллилуиа.

Икос 10

Стена еси и чистото неописанная, милосердие неизреченное и победо всепобеждающая, Богоизбранная Отроковице, призри на ны, смиренно выну молящихся пред иконою Твоею и воспевающих Ти, Благодатная, сице:

Радуйся, милости неиссякаемый источнице;

Радуйся, духовную жажду всем утоляющая.

Радуйся, милосердая о нас, грешных, Предстательнице;

Радуйся, непрестанно за нас Христу Богу молящаяся.

Радуйся, спасения нашего надеждо и прибежище;

Радуйся, милостивая о нас пред Богом Ходатаице.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз

есмы с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 11

Пение благодарственное приносим Ти, раби Твои, Богородице Дево, грешнии и непотребнии, обаче Ты заступаеши всех, прибегающих Тебе и вопиющих Богу: Аллилуиа.

Икос 11

Светоподательную свещу имуще Тя, Пресвятая Мати и Дево, яко просвещаеши нас светом Сына Твоего и даровала еси нам икону Свою победительную, да не преткнемся в нощи последних времен, но, хранимы Тобою, поработаем Господу во свете Его, уповающе на Тя и зовуще таковая:

Радуйся, язв греховных Целительнице;

Радуйся, в Царствие Божие Путеводительнице.

Радуйся, на руцех Твоих носившая Носящаго вся;

Радуйся, златяя врата Небеснаго Царствия.

Радуйся, светом Сына Твоего нас просвещающая;

Радуйся, зрением иконы Твоея нас улаждающая.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 12

Благодать дати восхотев людем Твоим, даровала еси, Владычице, нам икону Свою и с нею обетование: «Аз есмь с вами и никтоже на вы», егоже не возможе никогдаже и никтоже из враг наших видимых и невидимых преступити. Да, имея промышление таковое божественное о нас, вопием Всемилоствому Богу: Аллилуиа.

Икос 12

Поюще о чудесех Твоих, Всемощная Владычице, вемы Тя, теплую и любвеобильную Заступницу, к Нейже все притекающи да не посрамлены будут, но всегда Тобою хранимы, вопиют Ти сицевая:

Радуйся, в скорбех сущих отрадо;

Радуйся, уповающих на Господа Бога оградо.

Радуйся, Еяже враги наша трепещут;

Радуйся, яко имущий икону Твою ликовствуют.

Радуйся, славящих Тя прославляющая;

Радуйся, землю Русскую и всех, яже в мире Христовом, зело заступающая.

Радуйся, Небесная Царице, Твоими словесы «Аз есмь с вами и никтоже на вы» благодатную силу верным дарующая.

Припев 1: Радуйся, Небесная Царице, Твоими словесы: «Аз есмь с вами и никтоже на вы» благодатную силу верным дарующая.

Припев 2: Радуйся, Благодатная Богородице Дево, буди Хранительница и Спасительница России и стран словенских.

Припев 3: Радуйся, Госпоже Владычице, Твоим обетованием избави люди Божии от работы вражия.

Кондак 13

О Пресвятая, Пречистая, Преблагословенная Богородице Дево Марие, Всемилостивая Мати Бога, воззри на скорбныя души наша и умилосердися, Пречистая, вознеси Твою многомощную молитву к праведному Судии о помиловании нас, грешных. Призри на ны, Всепетая Богородице, возсияй просвещение сердцам омраченным и озари стадо Твое, Пречистая, да спасаемии Тобою, радостно воспоем Богу: Аллилуиа, аллилуиа, аллилуиа.

Этот кондак читается трижды, затем икос 1-й и кондак 1-й

Молитва Божией Матери пред Ея чудотворною иконою «Аз есмь с вами и никтоже на вы»

О Всеблагая Заступнице рода христианского, Мати вся держащего десницею Свою Христа Бога нашего! Излей на ны милости и щедроты Его, и да не убоимся и не утрашимся враг видимых и невидимых, яко рекла еси уповающим на Тя: «Аз есмь с вами и никтоже на вы».

Сохрани истинную святую Православную Церковь и обитель нашу от расколов и ересей и положи начало покаяния людей русских. Возврати Святую Русь на дарованный ей Богом путь неповрежденной веры, да наполнится фимиамом молитв и расцветет, аки крин сельный; да поживем в благочестии и чистоте, всегда хранимы Тобою от искушения антихристового, нашествия иноплеменных, междуусобных брани, труса, огня, глада и мора, от напрасных смерти, пленения и раздоров семейных; монашеское житие укрепи и спаси ны, Пречистая, яко уповаем на Тя по реченному Тобою: «Аз есмь с вами и никтоже на вы».

Молися о нас, Пресвятая Владычице Богородице, ко Господу Богу нашему, милующему и спасающему, да не лишит ны защиты и Царствия Своего присвоения, Иже и Сам рече верным Своим: «Аз есмь с вами и никтоже на вы». Ему же слава, держава, честь и поклонение, сила и величие подобает, Отцу, и Сыну, и Святому Духу, ныне и присно и во веки веков. Аминь.

Кондак, глас 8:

Притецем, вернии, к благодатному милостей и щедрот источнику, чудотворному Пречистыя Девы образу; сей бо нам свыше даровася, душам и телесем во спасение, ему же поклоняющася с любовию, возопием к Богородице: о всепетая Мати, о Царице всемилостивая, покрый и соблюди нас от всякаго зла Твоим к Богу Матерним предстательством.